



貳之百五十三

ケ 5  
61  
53







武備志卷一百五十二

防風茅元儀輯

占度載

占五

占月

茅子日月為太陰之象借光于日以之配位女子之象也以之比德刑罰之義也以之定上下諸侯大臣之義也刑之大者為兵女主侵權大臣犯上皆兵之急也故皆載之其類與日同

武備志卷一百五十二

占度載

占

占月





月之形

月之蝕

月之暈

月之變

月之色

月之氣

月之星

月之形

青赤氣益于月旁曰珥黃國有喜赤青兵火白憂

喪黑水災失地皆期于三年一日月有珥萬民災

傷不利大凶

月有白珥其下城降

月昏而珥有喜

月夜半而珥邊地有兵

月有珥貫入中央君王失位天下相殺

月左右珥天下萬民同慶

月左有珥臣與君青衣北官姦

月右有珥臣與君青衣南官姦

武備志卷五十一

占

占月



月有兩珥其下國喜軍在外勝

月兩珥而白虹貫之為戰兵

月有兩珥三珥四珥皆主國喜兵在外勝

月有四珥其下國安有喜

月生四珥主賊寇大亂兵起一年應之兵火萬家

月珥且戴不出百日有喜

月冠而珥有大風人主有喜

月始生有黑氣貫月名曰微雲或一或二或三四

不出三日有兵暴雨

五彩炫耀月旁曰珣臣下縱欲互相殘害

月有四珣臣下有謀不成

月有背珣臣欲為邪其色青中外赤有芒刺則為

逆赤中青外無芒刺則為謀數見則國凶一日月

有背珣臣下縱放相殘宜備左右

月有抱為順背為逆抱且背為不和臣欲有為忠

者亦欲有為邪者

青赤氣益在月上曰冠國任賢臣

青赤氣倚於月旁曰戟平時逐相有兵兵敗將死

武備志卷之三 占月一



月內青赤氣作紋日痕兵宜自固其敵終降

赤氣雙垂月下日履姦邪謀逆君王出走

青赤氣如頭抵月日觸大戰流血將凶國危白兵

起黑兵敗

青赤氣散垂月下日紐君德不固殃其國

青赤氣如人頭垂月下日墜兵士違律累其將

青赤氣托在月下日序行兵得勝衛國封侯

月有戴氣不出百日人主有憂一日主有喜

月生二日其中縵縵如絲布狀其野墟兵盡出在

外主人不勝

月之蝕

月蝕及陽氣太盛於九道交行之時冲掩月光

日行十三度凡羅計在十三度前後相隨追交道

並至為蝕鯨魚至陰之物以蝕為感月蝕則鯨魚

死蓋陰之傷八十月極當至明以象陰德之昌或

失色或蝕皆陰德太虧之象主將相災危刑罰不

明獄有冤濫掌陰者曲政用事宜省刑去不肖以

避其咎則其禍可消

武備志卷五十五

占度載

占

月一

四



月蝕所離宿次其下有太戰拔城

月初生而蝕將敗于野

月蝕望前天子弱大臣強不能立功成事又曰未

盈而蝕官中有變

月滿而蝕者兩敵相當若無兵將死于野

月不望而蝕或望後而蝕其國大水溢大臣死

后妃憂以月占國

月蝕從上始是謂失道國君當之月蝕從旁始是

謂失令相臣當之一曰主失其政月蝕從下始是

謂失法將軍當之

月蝕既陽道極也后難將軍災五穀貴大人憂貴

人死兵起

月蝕不盡君當之

月蝕不盡光輝散臣之憂

月蝕且盡破軍殺將國主災危

月蝕盡君有殃一日五穀貴其國分當之

月蝕大半以上大水以日支占國

月落盡蝕者兵大起

占度載 占月



兩月並蝕天下亂

月蝕後三日內兩百事解

月蝕而鬪兵革亂起大戰隨所蝕戰利

月蝕而鬪且暈國君惡之有軍必戰無軍兵起一

日隨所蝕伐之利

兵在內而月蝕者其國受殃兵未起而月蝕者所當之國兵戰不勝

兵在外而月蝕蝕分強者軍必還蝕盡者城亡將殺

兵在外月蝕下而上者將軍當之

月蝕出軍軍傷失地

月蝕盡將死蝕不盡軍敗將不死

月蝕而戰破軍死將拔邑亡城

月春蝕東方將軍死夏蝕旱一曰國有憂秋未不

成秋蝕兵起一曰邊有兵民不安西方災冬蝕其

國饑將有憂一曰春多潦女主憂

月春蝕東方夏蝕南方秋食西方冬蝕北方其下

軍憂

占度載 占 七月一



月蝕以且太子當之月蝕以夕君當之

月蝕東方其月惡風

月蝕西方主兵利

月蝕青色五穀有收一日人多死五穀傷

月蝕赤色客兵利一日歲旱兵起一日君為客不

出一年

月蝕而赤如血者叛臣也

月蝕黃色王侯謀立

月蝕白色其國失地一日國有喪

月蝕黑色水災

月已蝕而青者為憂赤者為兵黃者為財白者為喪黑者為水

月蝕有輝色蒼色蟲蝗主大臣災有木水民流亡以日辰占在地

月蝕有氣從外來入月中者主憂氣不利從中出者客憂氣不利從南行南軍不利東西北皆然氣所向者敗

月蝕雜氣射人兵亂將凶



月蝕彗氣射人將相災危有兵從射左擊之勝

月中生禾隔十日月蝕國有大憂兵起

月蝕箕為水旱為風為饑車騎滿野

月蝕南斗其分國饑有水兵

月蝕牽牛有兵

月蝕須女為兵阜國有憂

月蝕室蝕婁歲饑

月蝕胃將亡亦為饑

月蝕昂為饑邊兵起將死北地叛

月蝕旱趙分有兵

月蝕觜觸為旱大將憂有叛主者

月蝕參為兵臣下有謀其分大饑外兵大將死

月蝕井有內亂五穀不登其分有兵

月蝕七星歲饑民流其國更政

月蝕張其分饑

月蝕翼北方有兵

月與歲星同宿而蝕兵戰粟貴

月犯歲星而蝕天下有大戰

占度載 占月



月蝕歲星而暈民大饑兵大戰  
月犯熒惑而蝕者其下破軍亡地大將憂近一年  
遠三年

月蝕與熒惑同宿有大戰賊以火攻

月犯填星而蝕者主將亡功

填星與月同光其日月蝕若星搖徙其下亡地

太白與月同光其日月蝕其下有兵

月蝕而有星入其魄中兵起

月蝕之次其內虧蝕處有流星出君王失位兵戈

亂動流移南北不過三年戎兵侵境

月蝕彗星入月者其下有兵

月蝕列星不見者國亡

月行與木星同宿而蝕粟貴民相食農官憂

月行與火星同宿而蝕天下破亡有憂

月行與土星同宿而蝕國以饑亡

月行與金星同宿而蝕強國戰不勝亡城大將有

二心

月行與水星同宿而蝕其國以女亂由是而亡



月蝕子夜北方兵起天下大水傷五穀丑夜天下傷災寅夜虎狼食人大凶卯夜大賊起國內有號令辰夜主有奸人代君天下大亂巳夜國內不安代君為主午夜秦地不安天下大亂未夜汾陽有奸人為亂申夜荆地有奸人欲害君王酉夜吳地有奸人為亂欲伐君戌夜楚地不安亥夜趙地不安

月之暈

月暈軍營之象大抵主戰鬪見暈光破為圓久而

方消戰久而不解之象如無軍主大風雨有謀叛  
一曰主旱風不止

月終歲不暈天下太平一日鄰國求和

月春暈木日夏火日秋金日冬水日四季土日皆為其分有殃主死國亂

孟月十一日仲月八日季月九日皆當月有暈若不暈不出三日有暴風雨不則為兵災

月正月甲乙日暈人疾疫丙丁日暈旱戊巳日暈大水土功起庚辛日暈大兵壬癸日暈江河决溢



又曰四時壬癸日暈皆為水  
月正月八日十一日暈國兵盡出有軍在外則罷  
月以正月五暈天下更二六暈有亡國七暈八暈  
道路多死人

月正月三暈民間歲惡

月一月三暈王者自將出行五暈至九暈其國亡

地十暈以上天下更改

五月中月至九暈道上多熱死人

暈以十二月八日候月若暈再重有大風兵起災

在內文親用事

月暈西向主風雨害五穀東向主五穀各有收一

日風敗五穀北向主大水為災南向者旱風

月暈正偃天下有兵兵合無兵主凶

軍在外月暈者戰勝

月暈厚薄四方勻者軍吉

月作散暈賊謀不成行師得勝

月暈闕者其國君背約

月暈不合者外謀不滅



月暈多直為兵曲為逆

月暈先合而後消所在方勝

月暈明旺者自將兵

月暈有光我軍勝賊降

月暈垂光於下兵革起亂將帥災危

月暈無光是謂太盈其下有兵王者以德勝之

月暈黃色將軍有喜益祿進爵

月色黃有交暈所宿國受兵

月暈赤色大旱與火兵殘人死

月暈赤而有光天子起兵攻城城降

月交暈赤光其國不二年遇兵

月暈三重其外赤而中獨不散者軍會聚

月暈白色王侯謀立起兵作亂

月重白暈王侯謀逆有兵主久戰

白暈貫月其月必有廢主

月暈黑色國主憂危野有多水災

月暈赤白色將相離心殘賊誅戮

月暈中赤外青羣臣親附外赤中青臣有外謀



月色黃白有交暈一黃一赤所宿國益地不出二  
年

月生四暈或青或黃或赤者三日寅卯時防此雲  
合凶明日寅卯時謹防若午未戰定不詳

月外有環暈五重附近者紫紅色白者次之青者  
又次之黃者又次之最外深紅各相去一丈分寸

不差忒其圓如規是謂月重輪此為大白極盛不  
利於君

月暈有白虹貫月兵大起將軍死野又曰為不臣

月暈多白氣從外入攻城必拔得大將從內出者  
主人戰勝

月暈有白氣交橫貫月有大將暴亡軍士敗令

月暈重疊或三日常暈有白霞虹氣貫月王者惡  
之太臣女后火

月暈而有赤雲如火其地圍城降

月暈再重有赤雲繞之如杵衝之有軍在外大戰  
萬人死其下

月暈三重赤雲貫之其下國亡



月暈有黑雲氣入暈中隨所入擊之勝

凡月暈有非常色皆為后妃謀

月暈虹蜺直指暈至月者破軍殺將

月暈有蜺雲乘之以戰從蜺所往者大勝

月暈有雲橫貫之起兵者勝一日有雲貫之左右

吏死

月暈有氣橫冲冠兵驍勇破管殺將

月暈有雲如厚布若三若四貫所者以戰勿當當

者破軍

月暈如連環兵起爭地

月一歲有連環暈至五六其色青或赤黃濶澤皆

女主昌欲移國祚

月暈如連環有白虹在外不及者女人陰謀主見

弑奪

月有白暈連環連接北斗其國太兵大亂流血其

下亡地

月暈三環連接天子溺愛寵妾后妃盛強其國危

黑色來年大水五穀不成赤色為兵為旱



月暈再重，大風兵起。三重，有兵有拒，城亡。國四重，國危。兵起，番戎五重。后災，臣憂六重。君失政七重。天下易主八重。世亂九重。血戰國亡十重。天下更主。

月暈而有流星，交入暈中，或落月上下，其國亂。暈而不風，大臣起兵。

月暈天無雲，有流星過，月上下，其國有喜。月暈而流星橫度，暈中諸侯有亡國失地者。流星從月暈中出其國，有憂青色，有拔城黑色，破。

軍

月環暈有流星入之外國使來，流星黃白潤澤者為喜。

月暈有流星出暈月其國貴人走有流星入暈月臣先在外者還。

月暈有客星在月北北國勝在月南南國勝。

月暈有珥將災三日有雨則解無雨則凶。一日有大水。

月暈而珥六十日兵起不暈而珥有喜兵在外亦。



喜

月暈而珥兵起從珥攻擊者利

月暈有抱珥在暈外赤者外人勝

月暈有珥垂下兵戰災凶

月暈下珥得珥之國失地

月暈有白珥上將戰死

月暈兩珥先起者勝

月暈有兩珥白虹貫之天下大戰以日宿占國

月暈不合有兩珥其國有水

月暈外有珥滿六十日兵起外賊亂

月暈不合外有珥背有珥陰謀不成

月暈有抱珥在暈外外人戰勝在內內人戰勝

月暈一重一滿上冠旁有珥兵起

月暈有抱所臨者勝

月暈有珥臣叛兵起

月暈而冠天子有喜多大風

月暈有珥臣反兵起

月暈反背將相異志



月暈再重背在外者私成於外背在內者私成於

內

月暈圍角亢大將軍有憂

月暈圍角亢底天下士卒死

月暈圍氐房心其地有役

月暈圍房心天子國危兵起廟堂

月暈圍尾箕人疾病

月暈圍箕斗兵從東方北方來者勝南方來者不

勝

月暈圍箕斗五穀不成

日暈圍南斗太將易

月暈圍生女牛多暴死

月暈圍虛危有兵謀不成一曰兵起宗廟動

月暈圍室壁風起大水其地有謀不成一曰土工

大興

月暈圍奎婁其地大病

月暈圍胃昂人多腹疾

月暈圍胃昂畢有德令不則有反者兵起



月暈圍昂畢參不出三年人主憂

月暈圍畢觜參弓弩貴

月暈圍井鬼其年不和一日旱

月暈圍翼軫軍在外戰亡其備將

月暈圍軫角先起兵者不勝

月在角暈圍北斗大臣有誅者

月暈在兩角間大水多風雨太將憂暈連角先起

兵者勝若有功期八十日秋三月兵戰水災再暈

大水不則王者自將兵一日其分兵起暈右角右

將災左亦然

月暈三重入天門及兩角兵起將失利

月暈亢多兩外有兵革之事其分先起兵者勝一

日將軍死

月暈氏太將凶人疫在冬為水

月暈房有風雨不則為旱一日為兵

月暈心為旱穀貴蟲生將凶與五星合大凶

月暈尾四足蟲害物國易政一日將相憂其分有

水災



月暈箕為風穀貴大將易西北兵不勝 一曰暈從  
東北方來入箕中兵在外者勝暈從南方來兵散  
月暈南斗將易爵祿更天子法 一曰將相有憂小  
民流離 一曰有土功將軍暴亡 一曰大將刑穀不

生

月乘斗而變色賊在營中將死大風雨

月暈牛中央木星大將被戮

月乘牛變色牛馬死大水災

月暈須女有兵謀不成

月暈虛有兵謀風起則不成又為民饑

月暈危兵亂憂饑 一曰有兵喪先起兵者敗

月暈室國有亂兵軍無糧君自將 一曰為水為火

為風蠻夷來 一曰兵起官中

月暈壁為風為水其分有憂

月暈奎兵敗將戮耀貴人疾疫 一曰有兵在外不

戰

月暈婁五日不雨軍叛失地 一曰耀貴

月暈胃其野有兵不戰 一曰兵先動者敗



月暈昂大雨水三穀不收一曰民饑歲三暈弓弩

貴  
月暈卑兵亂饑喪暈三重邊有叛者一曰若一月

中二暈天下中外俱改有風雨不則有赦  
月暈紫艸道路不通大將死一曰外軍不勝大將

憂偏裨有死者  
月暈參大將將兵一曰人殃亂戰不利

月暈參畢七重匈奴寇邊圍城邑

月暈井為旱為兵為民流陰陽不和則暈暈及三

重至三日為大水

月暈輿鬼為旱一曰粟貴秦地有兵

月暈柳有圍城野有兵戰一曰林苑有兵天下有

土功又為兵饑為旱疫

月暈七星其地旱

月暈張為水火穀貴

月暈翼多土功有戰民移大赦有大風傷物

月暈軫民饑將軍死一曰有兵歲旱多太風

月暈環北斗魁第一第二星北國有來歸者



月暈北極臣謀王兵亂不出三十日三年乃定

月暈北斗國憂一日暈入斗大水入城兵起一日

天下亂

月暈圍北極五帝內座臣專權蔽主天下不安兵

起

月暈太微天子以兵自衛

月暈貫索天下叛逆

月暈天牢多盜

月暈天門外兵起

日月暈魚星為旱

日月暈建星大將死五穀不成蛟龍見牛馬疫

日月暈九坎為水

日月暈天街關梁不通

日月暈狼星兵亂大起

日月暈五星各以分野言之五星色不明主勝五星

色明客勝

月春暈歲星夏暈熒惑秋暈太白冬暈辰星四季

暈填星皆主其下有兵



月暈填星所在之國兵起不勝

月暈填星所守之國有德

月暈填星不明主勝星明客勝

月暈太白星入暈月中者星色不明則客散星色

明而有角客勝

月暈大白其野受兵戰不勝所守之國兵起

月暈太白星暗月昏客敗亡

月暈辰星春主太旱秋主大水又兵起

月暈有流星出暈中青色主憂城拔黃色益地白

色豐稔黑色軍敗



武備志卷一百五十二

武備志卷一百五十三

防風茅元儀輯

占度載

占六

占月二

月之變

兩月見其國亂必至於亡國一曰大臣誅主大水  
兩月相合主弑君  
兩月交閩陰氣交剝女后欺主將相謀叛一曰外



藩有謀

雙月出或兩三俱出其處兵起割據爭雄

月初生三月同象重見天下大兵魚鳥食人

四月並見人民流血萬里五谷大貴一日兵起國

亡

數月重見陰道混亂天下兵爭分據土宇一日國

以亂亡

月晝明陰氣妄行讒邪欺蔽兵起爭國一日有隱

謀國雄逃一日陰國兵強中國饑饉天下謀僭

月生八日而上弦天下太安十日而不弦戰不勝

將死八日而不弦攻人城者不勝月九日而弦以

戰主人勝客不勝

月未當弦而弦兵起一日月未當上弦而弦兵大

起月未下弦而弦其國有奸謀

月當弦而不弦國有大兵

月未當望而望是謂從兵宜攻他人一日為急兵

大戰軍破將死一日國大昌月當望而不望者有

殃所宿國地亡



月當圓不圓奸臣謀害一曰暗謀國事

月望而不滿有兵一曰其分失地

定望之夜月缺不圓一而凸凹二兩處者近臣謀奪君權

月當盈不盈君侵臣太旱之災未當盈而盈臣欺君有兵

月生三日至七日而盈大兵起八日以後盈天下亂十一日至十四日盈其分君亡

月當晦而不盡所宿國亡地

月合明不明驕臣作亂王國大危

月當出而不出有陰謀有死生天下亂

月前望而西缺後望而東缺名曰反月臣不奉法

侵奪主勢天下有湧水兵起

月當毀而不毀者臣凌君亦有兵水之難

月合缺而圓邊烽息警一曰國有忠臣懼服外國

月合盡不盡陰盛陽衰一月內夷狄入境一曰所

宿國亡

月不盡入日陽國失地



月當中而不中，有急兵大戰，軍破將死，大臣逼君，女主擅權，天下大亂，宗廟易，十一、二十三、日昏中，下謀上事成。

月毀為三四，天下紛亂，一日將相伐主。

月分為兩，無道之君失天下。

月分為兩段，將相有謀。

太平時，月破為三者，四海兵起。

月生三日而始見，三日不見，至七日而始見，國滅。

月始生而復沒者，陰氣衰微，天下兵起，將相災憂。

月出復退，天下大亂。

月初生而廣大者，水災。

月初生而巳，半女主強，一日陰國利。

月初生見東方，天下兵起。

月始生南向，其月有戰，則南方勝，一日陰國亡地。

一日南國有兵。

月入八日，北向，陰國亡地。

月生正，偃有兵，兵合無兵，主人凶，一日無兵，則兵出，一日有兵，初生正，仰亦然。



月失行外國兵強中國饑天下謀僭  
 月行乍南乍北陰氣雜亂天下兵起  
 月行或進或退陰氣偏滯女主擅權將相專政  
 月出非其所小國兵強中國民饑下欲僭權  
 月出地中庶人出為天下主  
 月大而體小者旱  
 月生齒天子有賊臣羣下有相殘害  
 月生刺賊臣生中國亦曰其宿國君防刺客若交  
 兵在外則將防之八日生刺其地割有分民九日

生刺其地饑民以食乏以兵行十二日生刺其下  
 國昏亂十三日生刺是謂始強得地十五日生刺  
 是謂盛強其下多兵十六日生刺是謂內弱臣叛  
 其主十七日生刺是謂滅法有兵十八日生刺是  
 謂溫死二十一日生刺于里有聚兵二十四日生  
 刺中有太謀二十五日生刺是謂陰隱國有殃二  
 十六日生刺多憂二十七日生刺大饑二十八日  
 生刺攻城二十九日生刺是謂自伐其國有內亂  
 也

武備志卷之三十一 占度載 占 五月二



月四圍生芒刺君昏政亂天下兵起將勝封侯一  
日憂在公侯其地弱一日有兵在外宜保營壘防  
衝襲

月生芒軍在外者敗向東東軍敗向西西軍敗南  
北同

月垂芒其國亂

月生爪所指之方兵起作亂一日其下君憂諸侯  
謀叛

月生赤足謀叛生災

月生足陪臣執命王公望風謀反羣下並附諸侯  
歸心

月生四日而生兩角刺如矛狀其國有弑逆事

月在東方有小月承大月小國毀大國在西方小

月承大月小國勝大月承小月大國勝

月中有如人行者兩主爭客勝

月中有神龍玉兔者洪水滔天人民饑散千里荒

涼國亂連年不止

月望而月中蟾兔不見者所宿大水城陷民流



出軍夜視月中有兔主勝無兔客勝

月之色

月變色將殃臣憂一日其國有殃赤兵憂

月赤如赭將死于野勿戰

月滿而赤色為兵為旱

月色赤暗陽昇其陰將相災

月色黑為水為疫疾為死喪

月黃色分野將軍遷職兩軍相當而月生黃色主

人受殃月二十八日色黃客受殃

月初生而白是謂大殃其國有喪而旱十日至十  
四而天下兵起女主凶

月色青為憂為饑

月色青黃賊來相傷

月色正白將士有獲月色匆匆賊來擊拂月色曠

曠四邊雲起我兵雖勝行行且止月色蒼蒼行兵

受殃月黃色賊來乘隙軍營毀拆半夜驚其月色

蒼黃霧色灑灑撐骨遍野流血成塘

月始生而青色其分有疫五穀貴色赤其分君憂

占度載 占 占月二



色黃其分有立王色白其分亡地色黑其分有水  
月兩弦中間光盛而衆多或二或三以至十月天  
子政在諸侯天下分裂  
月光如張燈火其下國立王  
月無光臣作亂其下國有死主兵起戰不勝其下  
多死亡

正月月無光兵起人多死  
二月月無光國有災異事  
三月月無光國有死災

五月月無光有火災旱

八月月無光兵起

十二月月無光五穀大貴

月出三丈或未沒三丈許太赤無光曰病平時主  
風雨不雨臣災兵敗將凶

戰時月滿色無光者客勝

月大無光其城不降月小無光其城降

月色無光如灰粉者拔城

凡大月八日昏中小月七日昏中過度有兵不及



度有喪

月三日四日而昏中天下有兵急有臣專恣五日而昏中兵起在外戰六日昏中兵起不戰凡行軍而遇月薄宜收軍不爾有謀反

月之氣

白虹貫月太兵起大戰將死

白氣貫月將無功大兵將起野戰一日在春主災在夏大水在秋為風

月角有白氣者主臣謀國事也

白雲刺月其下君亡

白雲如杵抵月陰昌陽也將相有災一日期六十日應

月內有白雲如乃字奸邪謀反

紫氣貫月上下遍有女主昌不利社稷

赤氣貫月在夏為旱在秋為民不安

赤雲刺月是謂賊讐

月下赤雲氣賊人即來明日午未時將軍大敗雲脚流下明白大凶



青雲刺月是謂賊害

蒼雲抵月陰犯其陰奸邪謀逆諸毀起兵

黑雲刺月陰雨踰時

月下忽見黑雲征戰必勝不宜退兵

月旁多赤雲如人頭木戰一曰破軍殺將多白爲

兵勝多黑爲兵敗

月旁有赤雲黑雲相交臨月其國有亡軍

月旁有白雲一黑雲二蒼雲三其大如厚布抵月

貫月圍城拔邑

有黃雲黑雲如刀向上交叉在月上者大凶不可

攻戰

月下有雲脚如刀向下交叉者大凶白雲戰勝赤

雲流血

月下有白雲黑氣者主驚陣人血流成河過三日

後方可出戰

青黑氣臨月陰氣純結兵敗將亡國凶災

月有五色氣者必戰

月五色氣相冲者將有災須犒賞三軍堅壁固守



月下有橫雲雲下一星名曰賊星慎防之無橫雲宜戰

月外有雲五段夾月將凶明日卯時見賊便殺午未時敗後吉

半月仰如缺有雲銜月賊勝一日後可進軍

月不明朗下有雲氣兩斷隨雲分出不友者攻戰並不利

月下有雲氣脚流左者賊人奔走謹慎防備半吉半凶

月下有雲氣如錦屏又相去咫尺間一段雲橫列於下若戴之者大戰大勝紅雲有災

月外有雲氣四出如披髮狀大凶急移營

月下有雲如刀劍三五比列刀上向抵月者有伏兵在路急宜準備刀向下者驚陣殺人不過三日大戰

月下有雲從月畔來奔陣上用兵大吉

月四邊有雲大轉者不可興兵此城難攻

月中有氣出從其所向攻之勝



月下有氣如人相隨者是謂惡氣其分王侯當之  
月有神龜倚月主大水

月邊氣如羣猪羽姓將軍行兵大吉官商角徵姓  
皆不利

月始出有雲居其中似禽獸狀甲乙日見東方受  
其害丙丁日見南方受其害戊己日見中央受其  
害庚辛日見西方受其害壬癸日見北方受其害

月之星

凡月食五星其國皆亡歲以饑榮惑以亂填以殺

太白強國以戰辰以女亂星入月而星見於月是  
謂星食月月奄星而星滅不見是謂月食星又曰  
月體自若而星居月上此為星食月月遇之而星  
隱不見此為月食星月星相食當有易主事 曰  
主殺戮將相王侯之象其分野有兵喪  
列宿居月中不見其國饑以所屬分野占之  
星入月中有太白兵有亡國有破軍殺將  
月中有星天下盜起星多者盜多又曰星在月中  
賊中有反奸人入不出三日賊大起



列星貫月陰國可伐

月犯列宿其國受兵

日犯列星其下有兵

月犯五星將有災眚

眾星攢月陰陽不和國多水火陰謀于上

月食歲星兵饑人相食

月吞歲星兵敗國亡

月犯歲星有反兵多盜賊

月乘歲星大將戰其野有拔城

歲星食月國易主

歲星入月天下大災有野兵囚徒為亂不出二年

月凌歲星側多盜賊

月食熒惑國敗君亡大兵起破軍殺將一曰其地

國亡

月與熒惑同光有反臣有內亂其分饑

月與熒惑合有內兵內亂三年不解

月犯熒惑戰勝之國大將死一曰國內亂有兵

月吞熒惑國亂兵起



榮惑入月以戰不勝官中有盜賊亂臣在側兵逆

榮惑貫月陰國亂亡

榮惑觸月上角相憂中央主憂下角將憂

榮惑食月兵敗國亡後宮有逆謀讒臣用

月食填星民流千里

月犯填星有大兵災先舉兵者敗

填星入月中臣謀弑逆

填星入月中不見大戰亡國內亂起

月食太白強國以戰亡

太白有光名太白食月臣叛王期三年

太白食月軍出主將死一曰易大將

太白居月中無光名月食太白強國君死

太白入月中兵起將死不出九年國以兵亡又曰

必有內惡戰不勝

太白入月中而不見出客將死出則主將亡

太白貫月大戰亡地不出六年

月扶太白將相不親

月犯太白以戰不勝國多寇盜一曰天下民靡散



一曰相去五寸北天下憂兵

月與太白相遇者月出其南陽國受兵月出其北

陰國受兵

太白出月右陰國有謀出月左陽國有謀

月與太白皆出城守者賣城宜更其守吉

太白與月並明主大戰相去五寸有城拔二寸北

兵

月戴太白有卒兵期五月

入月三日太白失行而居月北兵戰不勝

秋入月三日太白出西方居月北方者強居月

南者弱

入月三日刺太白陽大邑拔陰小邑驅掠出南方

為陽北方為陰

月末盡三日候太白出東方在月北中國不勝負

海國分勝

月末盡三日候太白出東方與月相並舉指準之

間容一指入月三日有破軍死將主人不勝容二

指入月九日軍政欺主人亡地容三指入月十五



凡有破軍主亡地容四指入月二十日客軍大敗  
容五指二十五日有兵不戰並出則口不並出則  
不占

月刃有彗星出獄逆太變

彗星入月中兵大起有十二年太饑

彗星入月無光不出其年有亡國

彗星貫月有臣謀主一日彗星在月中兵大起

彗星在月上有大兵起將死四夷來侵

二彗星在初月上下者邦亂

二彗星在初月兩角大臣有奸謀

月下有二彗星商姓行兵大害

月四角有四彗星臣子作奸君失位

太陰犯水為兵起而上卿亡水入月中有水刑而

臣叛主水辰食于月大水洪流月食于辰國亡

金貫月國有大兵金入月太人為亂將軍死月戴

金星國有憔悴之軍旅太白蝕月有篡弑之禍心

月食土其國之亡也

月與火星相及其宿國兵將起犯之則貴人出而



有兵鬪之則其師破而敗北月食火則其地亂而  
白衣會憂在宮中非賊乃盜者火順行而入焉  
流星墜日月旁其國先喪後兵起  
月行四辰之中天下和平風樂安寧何也四辰旁  
中必有遂途其北道之北三尺曰太陽外三尺  
曰太陰月行其中有兵其南道曰小陽三尺月行  
其中有兵起十月行旁去之大遠多暴獄  
月食辰星其國憂水饑兵未起而月食之所當國  
戰不勝

辰星犯月與月相並國有逆謀兵以刑起  
月犯辰星兵大起

辰星入月太水戰敗國亡一曰中臣欲叛

辰星貫月國以女亂

月與辰星合宿其國亡地

辰星入月中不見其國君臣俱死於難

辰星入月復出其國分野主死入而出其國君臣  
憂

月掩犯角左星上將憂主大旱兵饑



月掩犯角右星次將憂主太水兵饑辰分有災

月掩犯亢將軍死主兵主疫

月掩犯氐前二星后災掩犯後二星主將軍有災

答

月掩犯房下第一星上將失權災憂下第二星次

將災又主兵饑馬貴馬疫

月掩犯心中星王者惡之前星太子憂後星庶子

災主兵喪逆行掩犯災甚

月掩犯尾燕有災後宮災北胡不安

月掩犯箕主燕胡兵敗又主大將死主大風拔木傷入

月掩犯南斗王者惡之吳分兵起將相災關梁不

通有大赦

月掩犯牛關梁不通主兵主越分災

月掩犯女揚州分野失賊妾通內亂主天下靡散

不定

月掩犯虛火兵起於草寇齊分災

月掩犯危主兵喪



月掩犯室主并衛大梁之分兵災主軍糧之歲饑  
兵變

月掩犯壁衛并兵災

月掩犯奎將軍死禁兵亂并州分野災

月掩犯婁主徐魯之分兵饑災主兵起獄中主饑

月掩犯胃主災饑徐魯之分又主冀州趙分兵災

月掩犯昴西胡不安久為獄亂為旌頭起

月掩犯畢趙分災邊兵動

月掩犯觜兵亂魏分災

月掩犯參兵起將軍使魏益分兵災

月掩犯井王者惡之太臣誅主大水秦雍災

月掩犯鬼主兵起積屍金帛馬貴秦蜀災

月掩犯柳主周分兵饑災

月掩犯星兵起中國惡之主大火

月掩犯張荆楚災主兵主火主水

月掩犯翼主狄夷災兵起三河荆楚之分災

月掩犯軫主長沙之分兵災王者出奔王惡之主

大風傷人物主死喪憂

戰備志卷之三十一 占月二



月掩犯大歲人君死為兵大歲在月天下有兵有  
災  
月掩犯榮惑貴人死有亂臣榮惑入月有亂臣死  
有相戮者女親為政天下大亂憂在官中非盜則  
賊  
月掩犯歲星為饑大臣災有逐相人君惡之歲入  
月有逐相歲犯襲入月大臣惡之主有兵饑主廢  
陰長  
月掩犯辰胡人災主兵起大水災

月掩犯鎮星女主憂為饑為謀廢在上公與陰室  
王者惡之鎮犯襲月同占餘外大陰掩犯入皆以  
列星所主言其休咎分野  
月入大微王者惡之女人為主  
月入天市天下兵起物貴分土以治大臣與女主  
奪土王者惡之  
月入紫微天子失位臣變家為國微庶為后  
月度眾星陰氣駁雜將相縱兵與夷交通  
諸星食月天下兵起將相災

占月二



月內有一星攻戰大勝兵家吉兆

月內一星光明者奸人入壘

半月上角有星見者敵有賢將

月角有星城內有人入我營門戶更宜嚴備提提

月下有一星角姓人行軍勝防外兵來劫營

月上弦有一星徵姓人行軍勝

星在月上角賊來有攻城宜慎之一曰主邊將謀

叛

月上左角外一星名看星慎守營壘

月下左角外有一星開門宜防

月背有一星敵走城潰

一星有月邊下角者賊內有人來須備之

一星在月背者敵人欲至不能成戰

月旁忽有一星奸臣謀主天下大亂

一星在月上城內人出劫寨若下寨了有鬼神見

中是復戰也

一星在月下城內有智士三人

一星在月背城中反



月角上左右有一星者主外國侵界之事

初月一星在左角相臣為奸

初月一星在右角將臣為奸一日月右角有星奸

臣在西宮中左角有星奸臣在東宮中月上有星

奸臣在南宮中月下星奸臣在後宮中

初月一星在虧處天下十死一生

若久攻城不下見一星在月內有賊人中破五日

內拔之

月初生而其環中有一星角姓人行軍勝在營防

內兵叛亂

月左半背有一星官姓人行軍勝三日內賊軍來

詐降宜堅守

月圓而雙星搏之色明潤者國昌

月下有一星橫列者商姓人行軍勝

月兩邊二星夾月主賊來衝軍散不可進兵急宜

設備

月角各一星有軍在外者敗

二星在月上下者行軍有功

武備志卷之三十一 占月二 二上二



初月二星在兩角天下大賊起

月下有二赤星入月者官姓人將行兵吉

月上有二星入主播遷兵亂不寧

月下有三星客兵大勝主兵慎守免災一日合損

上將急移營吉

月背有二星如連珠其城自破

若三星環抱月背則不可攻一日出軍多死盡

二星在月中散亂不出三日軍死盡

軍圍敵壘月下三星橫列者城內詐降宜備之則

吉

軍行有三星橫列月上不利進戰宜固守之以防

潰亂

月下三星橫列名賊星十二十三十五日逢戰凶

順風者勝

月外三角有三星夾月鼎足而峙大戰大勝

月邊有三星在北角城內有人欲走

月內近下唇一星外有一星在月下者軍中有人

私通間諜慎宜防備



月下有三星橫列左邊半暈二十日內賊大敗  
 月角有三星其城難攻  
 月上有三星軍行無利攻城不得  
 初月背有三星奸人路途相劫  
 月旁有三星攻城得功更反  
 月旁有三星豎列月上有雲氣如蓋半暈者攻戰  
 不吉宜回營防守無星而月上半暈凶月下暈吉  
 半月仰如缺上有三星曲列如攝提而下覆者城  
 內有奸人三月後必亂

月下有三星入月者徵姓人行兵大吉  
 月外四角有四星明如拱立前後夾持者主將宜  
 慎遇戰即敗固守無虞  
 半月斜明四角四星略暗者軍大勝  
 四星圍月國內清晏  
 初月下有四星后與外人謀君  
 五星在月下婦人登位  
 初月六星在於上下者有惡事宜避之四十九日  
 應

武備志卷三十三 占度載 占月二



月行有星圍繞之多至數十其分有大喪水災  
月下流星衆多橫列如綴珠者兩日內賊至宜防  
備

月西有星環之其國昌

黑星在月上角臣叛逆在月下士卒亂星多則大  
亂

月下赤星入月者攻城破之近則八日遠則十  
日應

攻城之際月左有星占上角者城可攻

敵人守壘我軍攻之月下星相近防有客兵一  
日敵有奸謀

我圍敵壘月背有星其城當潰

月中有流星落又鳥獸雲在月中見者主大亂固  
守城池則吉國有憂

月無光內有流星國君勢危兵戈亂動

月內有流星當有貴人奔出若客星入則將有驚  
月下赤星流入我營者急出軍若不出人盡死  
流入城中攻城必破也



月下<sub>レ</sub>有赤星向<sub>レ</sub>東北方<sub>レ</sub>姓人將<sub>レ</sub>行兵大吉  
 大星流<sub>レ</sub>入月中無<sub>レ</sub>光者有<sub>レ</sub>兵有<sub>レ</sub>光亡國  
 星出<sub>レ</sub>月陰負<sub>レ</sub>海國勝出<sub>レ</sub>月下<sub>レ</sub>光相接其國君死人  
 饑  
 月未<sub>レ</sub>落中星入<sub>レ</sub>其月中西方賊人為<sub>レ</sub>賊敗也月入  
 牙中其日小而雨天下大兵起

武備志卷一百五十三



